

四庫全書

史部

欽定四庫全書

輿地廣記卷三十五

宋 歐陽忞 撰

廣南東路

中都督府廣州古蠻夷之地春秋戰國為百越在禹貢
職方州域之外秦并天下畧定陽越立南海郡秦滅南
海尉趙佗自立為南越武王漢高帝因立佗為南越王
元鼎中相呂嘉王建德反武帝興兵滅之及東漢以後

皆為南海郡建安十五年建立交州吳永安六年分立
廣州晉宋齊梁陳因之隋平陳郡廢仁壽元年曰番禺
大業初州廢復立南海郡唐武德四年平蕭銑立廣州
天寶元年曰南海郡後建清海軍節度五代為南海劉
氏所據皇朝開寶四年收復今縣七

望南海縣本秦番禺縣地為南海郡二世時南海尉任
囂召龍川令趙佗謂曰番禺負山險阻南北東西數千
里此亦一州之主可為國佗後遂自立為南越武王漢

未立交州牧吳立廣州後改番禺為南海縣隋曰番禺唐曰廣州皇朝開寶五年省咸寧常康二縣入焉有羅浮山

上番禺縣秦漢舊縣後改為南海隋平陳分南海置尋省入後復置與南海分治郭下有番禺山尉佗葬於此中清遠縣漢中宿縣地屬南海郡晉宋屬始興郡後立清遠郡隋平陳郡廢置清遠縣屬廣州唐因之

中增城縣漢番禺縣地吳置及晉屬南海郡成帝分立

東官郡宋以後因之隋平陳郡廢屬廣州唐因之有猊
山增水

中懷集縣漢四會縣地晉置懷化縣後改為懷集屬新
會郡隋省之後復置屬廣州唐武德五年立威州并置
興平霍清威成三縣貞觀元年州廢省三縣入懷集屬
南綏州十三年州廢來屬開元二年省永固縣入焉故
游水縣本漢封陽縣地屬蒼梧郡齊置游安縣隋省之
唐復置屬廣州至德二載改今名皇朝開寶五年省入

有寶山縱連溪

中下東莞縣隋曰寶安唐至德二載更今名皇朝開寶
五年省入增城六年復置有寶山

下新會縣漢番禺縣地晉恭帝立新會郡及置新會縣
宋以後因之隋平陳郡廢後為封州後又改為允州後
又改為岡州以地有金岡名之大業初州廢屬南海郡
唐武德四年復立岡州并析置封平封樂二縣貞觀十
三年州廢省封樂封平是年復立岡州開寶二十三年

州廢以新會來屬有利山

中韶州春秋為百越地戰國屬楚秦屬南海郡二漢屬桂陽郡吳甘露元年分立始興郡晉因之宋改曰廣興郡齊復曰始興梁陳因之隋平陳郡廢屬廣州唐武德四年平蕭銑立番禺改為東衡州貞觀元年更今名天寶元年曰始興郡唐為盧光潤所據後入南漢今縣

五

望曲江縣二漢屬桂陽郡吳屬始興郡晉宋以後為郡

治焉隋屬南海郡唐立番州改曰東衡州又改曰韶州
有錢石山玉山曲江桂水有韶石高百仞廣圓五里兩
石對峙相去一里小大畧等似雙闕州取名焉

望翁源縣梁置陳又立清遠郡隋廢屬廣州後省唐武
德五年復置屬涯州貞觀元年來屬有靈池山翁水

中樂昌縣漢曲江縣地梁置梁化縣又分置平右縣隋
開皇十二年省平石入梁化屬廣州十八年更名唐武
德四年來屬有昌山武溪溪自臨武東南流入曲江界

巖崖峻岨湍浪震驚名曰瀧水韓文公詩南行踰六旬始
下樂昌瀧險惡不可狀船石相舂撞是也

中仁化縣唐垂拱中析曲江置屬廣州後來屬皇朝開
寶五年省入樂昌咸平三年復置有白星山潼溪五渡

水

建福縣皇朝崇寧元年以岑水場析曲江翁源置

下循州古百越之地秦屬南海郡二漢吳晉因之宋分
屬南海東官二郡齊因之隋平陳屬循州大業初州廢

屬龍川郡唐武德五年屬循州南浦改循州為貞州而
析州之北境又立循州於此皇朝因之今縣三

望龍川縣秦屬南海郡二世時趙佗為令於此二漢晉
因之宋以後屬東官郡隋屬循州開皇十一年省入河
源南漢復置以為循州治焉有龍川江豐湖

望興寧縣漢龍川縣地後置興寧隋屬龍川郡唐屬循
州貞觀元年省齊昌縣入焉有揭陽山興寧江
上長樂縣皇朝熙寧四年置有宣黃山熱水

下潮州春秋為七閩地戰國為越人所居秦屬南海郡漢屬南越後及東漢屬南海隋屬東官郡安帝分立義安郡宋齊以後因之梁立楊州改曰瀛州及陳時州廢隋平陳郡廢立潮州大業初州廢復為義安郡唐武德五年曰潮州天寶元年曰潮陽郡五代為南漢所有今縣二

望海陽縣漢揭陽縣地屬東海郡東越王餘喜請以卒八千擊南越立石揭陽以海風波為解即此地也後置

海陽縣為義安郡治隋唐曰潮州有鳳凰山鱸溪溪有
鱸魚為害刺史韓退之為文以祭之是夕大風雨鱸魚南
徙自此無患

緊潮陽縣陳以前屬義安郡隋唐屬潮州有東山

下連州春秋為百越戰國屬楚秦屬長沙郡二漢屬桂
陽郡吳晉屬始興郡宋明帝立宋安郡後廢屬廣興郡
齊復屬始興郡梁立陽山郡隋平陳郡廢置建州大業
初州廢置熙平郡唐武德四年蕭銑立連州天寶元年

曰連山郡唐末為楚馬氏所有後入南漢今縣三

望桂陽縣二漢屬桂陽郡所謂小桂也唐曰連州有金
銀山桂陽山湟水漢討南越伏波將軍路博德出桂陽
下湟水是也一名滙水一名涯水有海陽湖正女峽相
傳昔有女子取螺遇風雨晝晦化為石

中陽山縣漢屬桂陽郡東漢改曰陰山吳省之晉復置
陽山屬始興郡宋屬廣興郡梁屬陽山郡隋屬熙平郡
唐屬連州有陽巖山茂溪水

中連山縣晉武帝分桂陽立廣惠縣梁改曰廣德隋改
曰廣澤屬連州仁壽元年更今名唐因之有銅山滑水
下封州古百越地秦屬南海郡二漢屬蒼梧郡晉屬晉
康郡宋齊因之梁分立梁信郡兼立城州隋平陳廢改
州曰封州大業初州廢屬蒼梧郡唐武德四年平蕭銑
立封州天寶元年曰臨封郡五代為南漢所有今縣二
下封川縣二漢廣信縣地屬蒼梧郡晉屬晉康郡梁為
梁信郡治焉隋唐曰封州隋大業初省封興縣入村州

唐武德四年復置後省

下開建縣漢封陽縣地隋蒼梧郡宋文帝分置開建縣以縣立宋建郡大明元年郡廢屬臨慶國梁立南靜郡隋平陳郡廢屬連州後省唐武德四年復置來屬有忠謹山封溪水

下端州古百越地秦屬南海郡二漢吳晉屬蒼梧郡宋齊屬南海陳立高要郡隋平陳郡廢立端州大業初州廢立信安郡唐武德元年曰端州天寶元年曰高要郡

五代為南漢所有皇朝建中靖國元年升興慶軍節度
今縣二

中高要縣二漢晉屬蒼梧郡宋齊屬南海郡陳立高要
郡隋立端州又曰信安郡唐曰端州貞觀十三年省博
林入焉故平興縣唐武德中析置清泰縣貞觀十三年
省入平興皇朝開寶五年省平興入高要有爛柯山端
溪西江鵠奔亭漢交趾刺史何敞行部半夜有婦人訴
冤自謂廣信蘇施妻名始珠敞命掘之有雙鵠奔其處

下四會縣二漢吳晉屬南海郡隋屬廣州大業初省始
昌縣入焉唐武德五年立南綏州貞觀八年更名滇州
十三年州廢屬廣州皇朝熙寧六年來屬有鷄籠山龍
江水

下新州古百越地秦屬南海郡二漢屬合浦郡晉屬蒼
梧郡穆帝分立新寧郡宋齊因之梁立新州隋平陳郡
廢大業初州廢屬信安郡唐武德二年平蕭銑立新州
天寶元年曰新昌郡後改曰新興五代為南漢所有今

縣一

中新興縣二漢臨光縣地屬合浦郡晉置新寧縣屬蒼梧郡穆帝分立新寧郡後改曰析興梁改新州隋因之大業初省索盧入焉唐武德二年析置索盧新昌單牒永順四縣後省新昌單牒乾元後又省索盧皇朝開寶五年省永順皆入焉信安鎮本義寧縣宋置屬新會郡隋屬廣州開皇十年省新夷初賓二縣入義寧省始康縣入封平大業初省封平入焉唐屬廣州皇朝太平興

國元年改曰信安熙寧五年省入新興元祐元年復置
紹聖二年又省有天露山利山新江封水

望康州古百越地秦屬南海郡二漢吳晉屬蒼梧郡穆
帝分立晉康郡宋以後因之梁又立開陽平原羅陽等
郡隋平陳郡俱廢屬端瀧二州大業初屬信安永熙二
郡唐武德四年立瀧州六年立康州天寶元年康州曰
晉康郡瀧州曰開陽郡五代為南漢所有皇朝開寶五
年廢康州入端州尋復立六年廢瀧州入晉康州今縣

二

下端溪縣二漢屬蒼梧郡晉立晉康郡唐武德六年立
南康州九年州廢貞觀元年復立十一年又廢十二年
又立更名康州初武德五年析博林置撫納縣後省入
焉柁城鎮本樂城縣隋屬信安郡都城鎮本都城縣隋
屬蒼梧郡故晉康縣本遂安唐至德二載更名三縣皆
屬康州皇朝開寶五年並省入端溪有端山西江端溪
下瀧水縣漢端溪縣地梁置開陽平原羅陽三郡隋平

陳並廢以名縣屬瀧州開皇十八年改平原縣曰瀧水
羅陽縣曰正義大業初以瀧水立永熙郡而省開陽正
義入焉唐武德四年立瀧州復置開陽正義正義後省
故鎮南縣本安南隋大業初省入永熙唐武德四年析
瀧水復置屬南建州貞觀八年改州曰藥州十八年州
廢屬瀧州至德二載更名故安遂縣梁立建州及廣熙
郡尋郡廢隋大業初州廢屬永熙郡唐武德四年屬南
建州州廢入焉故建水縣本永熙隋屬永熙郡唐武德

四年屬南建州五年改為永寧貞觀十八年屬瀧州天寶元年更名皇朝開寶六年州廢三縣皆省有靈陽山

羅田水

下南恩州古百越地秦屬南海郡二漢屬合浦郡吳屬高興郡晉以後因之齊立齊安郡梁立桂陵陽春二郡隋平陳郡廢屬高州後屬高涼郡唐武德四年立春州貞觀二十年立恩州天寶元年改恩州曰恩平郡春州曰南陵郡五代為南漢所有皇朝開寶五年廢春州入

恩州六年復立熙寧六年又廢入焉慶曆八年加南字
今縣二

中陽江縣晉海安縣地屬高興郡隋末置陽江縣唐屬
恩州後為州治焉故恩平縣本齊立齊安郡隋平陳郡
廢屬高州開皇十八年改曰海安唐武德五年復曰齊
安貞觀二十三年屬恩州至德二載改曰應平大順二
年自西平徙治後又徙陽江故西平縣晉屬高興郡後
省入高涼梁為高州隋為高涼郡唐武德五年改曰西

平貞觀二十三年以縣立恩州而高州徙良德後州徙
治恩平而西平省入焉故杜陵縣梁立杜陵郡隋平陳
郡廢屬高州開皇十八年改縣曰杜原唐武德五年復
曰杜陵貞觀二十三年來屬皇朝開寶五年省恩平杜
陵入陽江有恩平江

下陽春縣漢高涼縣地復置陽春縣梁立陽春郡隋平
陳郡廢屬高州唐武德四年平蕭銑立春州天寶元年
曰南陵郡皇朝開寶元年州廢來屬六年復立縣還屬

馬大中祥符九年州廢屬新州改曰新春天禧四年復
立縣又屬焉熙寧六年州廢來屬故銅陵縣本龍潭宋
置後改焉隋屬信安郡唐武德四年屬春州是年以縣
立勤州五年州廢萬歲通天二年復立長安中復廢開
元十八年復立州治富林洞因析銅陵置富林縣皇朝
開寶五年州廢省富林入銅陵屬春州熙寧六年州廢省
入陽春有鸞山漢陽江

下梅州春秋為七閩地戰國屬越秦屬南海郡漢屬南

越後及東漢屬南海郡晉屬東官郡後又屬義安郡宋以後因之隋唐屬潮州五代時南漢立敬州皇朝開寶四年改曰梅州熙寧六年州廢入潮州元豐五年復立今縣一

中程鄉縣隋屬義安郡唐屬潮州南漢立敬州皇朝曰梅州州廢屬潮州復立又來屬為州治有西陽山程江下南雄州春秋為百越地戰國屬楚秦屬南海郡二漢屬豫章郡吳晉屬始興郡宋改為廣漢齊復為始興梁

陳因之隋廢郡屬廣州唐屬韶州五代時南漢立雄州
皇朝加南字今縣二

望保昌縣本湏昌唐光宅元年析始興置屬韶州南漢
立雄州皇朝加南字而縣改名有大庾嶺淨水所出龍
州界西逕湏陽南右注溱水有樓船水漢討南越楊僕
為樓船將軍出豫章下橫浦即此淨水矣

下始興縣漢南野縣地屬豫章郡吳屬南康郡孫皓分
置始興縣屬始興郡晉以後因之齊改曰正階梁復曰

始興亦安遠郡陳置東衡州隋平陳郡廢屬廣州唐屬韶州皇朝開寶四年來屬有東嶠山即大庾嶺在五嶺之最東故曰東嶠有修仁水斜皆水齊范雲為始興太守賦詩云且汲修仁水不飲斜皆流

下英州古越地戰國屬楚秦屬南海郡二漢屬桂楊郡吳屬始興郡晉宋以後因之梁又立衡州入楊山郡隋平陳郡並廢改州曰涯州開皇二十年州廢屬廣州唐因之五代時南漢立英州今縣二

望真陽縣本湏陽二漢屬桂林郡晉宋屬始興郡泰始二年改湏為貞後復為湏隋省入曲江後復曰真陽唐屬廣州貞觀元年復曰湏陽南漢立英州皇朝乾興元年改曰真陽有臯石山始興江

上滄光縣本滄涯二漢屬桂陽郡晉宋屬始興郡隋唐屬廣州皇朝更名開寶四年隸連州六年來屬有堯山白鹿山晉張方為滄涯令有德化感白鹿羣遊因以名山有涯水

下惠州古百越地秦屬南海郡二漢吳晉因之成帝以後及宋齊屬南海東官二郡隋平陳立循州大業初州廢立龍川郡唐武德元年曰循州天寶元年曰海豐郡五代時南漢改曰貞州而別立循州於北境皇朝天禧五年改曰惠州今縣四

中歸善縣漢博羅縣地屬南海郡宋置歸善縣隋立循州及龍川郡唐析置龍川縣貞觀元年省入焉南漢改曰貞州皇朝改曰惠州有寅山

緊河源縣隋屬循州有新豐縣開皇十八年改曰休吉
大業初省入焉唐亦屬循州武德五年析置石城縣貞
觀九年省入南漢屬貞州有龍穴山

中博羅縣二漢屬南海郡晉以後因之隋屬循州唐析
置羅陽縣貞觀元年省入南海屬貞州有羅浮山

下海豐縣宋置屬東官郡隋屬循州唐武德五年析置
陸安縣貞觀元年省南漢屬貞州

輿地廣記卷三十五

欽定四庫全書

輿地廣記卷三十六

宋 歐陽忞 撰

廣南西路上

下都督府桂州古百越之地戰國屬楚秦屬桂林郡二
漢屬宋陵蒼梧二郡吳甘露元年立始安郡晉因之宋
明帝改為始建國齊復曰始安郡梁兼立桂州隋平陳
郡廢大業初州廢復為始安郡唐武德四年平蕭銑立

金匱要略卷之三十六
桂州天寶元年曰始安郡唐末升靜江軍節度為楚馬
氏所有後入南漢今縣十

緊臨桂縣本始安二漢屬零陵郡吳立始安郡晉以後
因之梁立桂州唐因之貞觀八年更名慕化鎮本慕化
縣唐武德初年置曰純化永正元年改曰慕化後改今
名皇朝嘉佑六年省有灘山隱山桂江郡灘水也其源
多桂不生雜木有陽江

望興安縣本臨源唐武德四年析始安置屬桂州大厯

四年更名全義石晉開運三年馬希範奏立溥州改縣
為德昌後復為全義皇朝乾德中州廢來屬太平興國
三年更今名有陽海山灘水湘水二水皆出一山而分
源南流為灘北流為湘漢討南越戈船下賴將軍出零
陵下灘水即此

望靈川縣唐龍朔二年析始安置有冷石山銀江
望陽朔縣隋屬始安郡唐屬桂州有陽朔山灘水

望荔浦縣漢屬蒼梧郡晉宋以後屬始安郡梁屬桂州

唐武德四年立荔州貞觀十二年州廢來屬永寧鎮故
永寧縣皇朝熙寧四年省元祐元年復置紹聖二年又
省有方山荔水

上永福縣唐武德四年析始安置有永福山白石水
中修仁縣本建陵吳置及晉屬蒼梧郡宋來屬始建國
齊梁陳屬始安郡隋屬桂州唐貞觀元年立晏州十二
年州廢來屬長慶元年更名皇朝熙寧四年省為鎮入
荔浦元豐元年復置有崇仁山駱駝山

中義寧縣有思江

下理定縣本興安隋屬桂州大業初省入始安後復置
唐至德二載更名有蘭林山有靈渠弘灘水故秦史祿
沂鑿後廢唐寶曆初觀察使李渤立斗門十八以通漕
俄又廢咸通九年刺史魚孟咸以石為鐮隄亘四十里
植大木為斗門至十八重乃通巨舟

下古縣唐乾寧二年析慕化置有常安水

下都督府容州古百越之地秦屬象郡漢屬南越後及

東漢屬合浦郡晉宋以後因之隋為合浦永平二郡唐武德四年平蕭銑立銅州貞觀八年改為容州天寶元年曰普寧郡五代為南漢所有升為寧遠軍節度皇朝開寶五年廢繡禹順三州入焉今縣三

上普寧縣本漢合浦縣地後廢陰石縣梁立陰石郡隋廢郡改縣為奉化屬藤州開皇十九年又改今名唐分屬容州元和中州自北流徙治於此故繡州本二漢河林縣地唐武德四年立陵州六年更名繡州天寶元年

曰常林郡皇朝開寶五年州廢又省常林阿林羅繡三縣入普寧故放道縣本隋寧人唐貞觀二十三年更名來屬故渭龍縣唐武德四年析普寧置開寶五年並廢入普寧有容江繡江

中北流縣隋置屬合浦郡唐武德四年立銅州貞觀八年曰容州元和中州徙治普寧故禺州本東莪州唐乾封四年析白辯竇容四州置總章元年更名天寶元年曰溫水郡皇朝開寶五年州廢及省莪石扶萊羅辯三

縣入北流故陵城縣唐武德四年析北流置開寶五年
省入有句扇山縣南三十里兩石相對中濶三十步俗
號鬼門關漢馬援討林邑經此刻石紀事龜趺尚存唐
李德裕謫崖州過關詩云一去一萬里千知千不還崖
州在何處生度鬼門關

中陸川縣唐屬東峩州唐末來屬故順州順義郡唐大
歷八年析禺羅辯白四州置皇朝開寶五年州廢及省
龍化溫水南河龍豪四縣入陸川有鷄籠山龍化水

下都督府邕州秦屬桂林郡二漢以後屬鬱林郡唐武德四年立南晉州貞觀八年更名天寶元年曰朗寧郡五代為南漢所有升為建武軍節度皇朝曰永寧郡今縣二

下宣化縣本漢領方縣地故朗寧縣唐武德五年析宣化置故思籠縣唐乾元後開山洞置二縣開寶五年省入故如和縣唐武德五年析南賓安京置屬欽州景龍二年來屬皇朝景祐二年省入有如和山鬱水水即夜

郎豚水也與溫水合又與歡水合亦名駱越水自蠻境
七源州流出州民常苦之唐景雲中司馬呂仁引渠分
流以殺水勢自是無漂溺之害民乃來水而居有邕水
下武緣縣隋屬鬱林郡大業初省入嶺山唐武德五年
復置故豐陵縣唐乾元後開山洞置皇朝開寶五年省
入故樂昌縣本晉興唐武德五年析宣化置開寶五年
更名景祐三年省入有武緣水西有都稜鎮

中融州春秋戰國為百越秦屬桂林郡二漢屬鬱林郡

吳分屬桂林郡晉以後因之隋屬始安郡唐武德四年
平蕭銑置融州天寶元年曰融水郡五代為南漢所有
皇朝政和三年升為清遠軍節度今縣一

中融水縣本潭中縣地二漢屬鬱林郡齊置齊熙縣及
郡宋寧州隋改州曰融州改縣曰義熙後州廢以縣屬
始安郡唐復立融州武德六年縣更名武陽鎮本武陽
縣唐天寶初併黃水臨祥二縣更置皇朝熙寧七年省
為鎮羅城鎮本羅城縣開寶五年分桂州置熙寧七年

省為鎮

下象州古百越之地秦屬桂林郡二漢屬鬱林郡吳屬
桂林郡晉宋齊因之陳置象州因象山為名隋平陳因
之煬帝廢屬始安郡唐武德四年立象州天寶元年曰
象郡五代為楚馬氏所有後入南漢皇朝開寶七年廢
嚴州入焉今縣三

中下陽壽縣本漢潭中縣地吳分立桂林郡後又立象
郡及置陽壽縣隋屬始安郡唐武德四年析桂林置武

德縣仍於縣立象州貞觀十三年州徙治武化天寶元年省武德入陽壽大歷十一年州徙治焉故武化縣唐武德四年省建陵置屬桂州後屬晏州貞觀十三年州廢來屬五代時省有象山陽水

中下來賓縣唐乾封二年招致生獠以秦故桂林郡地置及立嚴州又置歸化縣皇朝開寶七年州廢省歸化入來賓來屬有大江

下武仙縣唐武德四年析桂林置乾封元年省桂林入

焉有仙人山鬱水

下賀州秦屬南海郡二漢屬蒼梧郡吳分立臨賀郡晉
因之宋改為臨慶國齊復為臨賀郡梁陳因之隋平陳
郡廢置賀州大業初廢屬始安郡唐武德四年平蕭銑
立賀州天寶元年曰臨賀郡五代為楚馬氏所有後入南
漢今縣三

繫臨賀縣二漢屬蒼梧郡吳立臨賀郡宋為臨慶國隋
立賀州大業初州廢省臨賀入富川唐武德四年復置

為州治故封陽及蕩山二縣唐屬賀州皇朝開寶
四年省入有臨賀山有臨水南流左合賀水縣對二水
之會故取名焉臨水又西南逕封陽為封溪水又西南
逕廣信而南注鬱水

上富川縣二漢屬蒼梧郡吳以後屬臨賀郡隋屬賀州
唐因之天寶中更名富水後復故名故馮乘縣唐屬賀
州皇朝開寶四年省入有秦山富水

中桂嶺縣本建興吳置屬臨賀郡晉太康元年改為興

安隋開皇十八年更今名屬熙平郡唐武德四年來屬
有桂嶺

下昭州秦屬桂林郡二漢屬蒼梧郡吳晉屬始安郡宋
屬始建國齊以後復屬始安郡隋屬桂州唐武德四年
平蕭銑立樂州貞觀八年改為昭州取昭潭為名天寶
元年曰平樂郡五代時為楚馬氏所有後入南漢皇朝
開寶五年廢富州熙寧五年廢象州皆入焉今縣四

中平樂縣本漢荔浦縣地屬蒼梧郡吳分置平樂縣屬

始安郡晉因之宋屬始建國齊以後復屬始安郡唐立樂州改曰昭州故永平縣唐屬昭州皇朝開寶五年省入有日巖山其巖如人目童子黑白分明

中立山縣本漢荔浦縣地隋置隋化唐武德五年更名立南恭州貞觀八年改曰蒙州天寶元年曰蒙山郡皇朝熙寧五年州廢以縣來屬初唐武德中析置東區純義二縣屬蒙州永貞元年改純義曰正義皇朝太平興國中改正義曰蒙山熙寧五年省東區蒙山入立山有

東區山蒙江

中龍平縣本漢臨賀縣地屬蒼梧郡後置龍平縣屬始
安郡唐武德四年立靜州貞觀八年改為富州天寶元
年曰開江縣皇朝開寶五年州廢以縣來屬熙寧八年
屬梧州元豐三年復來屬初梁置開江縣隋省入蒙靜
唐復置屬梧州又屬柳州天寶後置思勤縣長慶三年
改開江白馬江開寶五年二縣皆省入有富豪山

下梧州古百越之地秦屬桂林郡漢屬南越以同姓趙

光為蒼梧秦王漢兵誅南越光降為隋拱侯元鼎六年
以其地立蒼梧郡東漢建安八年立交州牧治此十五
年徙治番禺晉宋齊梁陳為蒼梧郡隋平陳郡廢屬封
州後屬蒼梧郡唐武德四年平蕭銑立梧州天寶元年
曰蒼梧郡五代為楚馬氏所有後入南漢今縣一
下蒼梧縣本漢廣信縣為蒼梧郡治東漢以後因之隋
平陳郡廢改廣信為蒼梧縣唐立梧州貞觀十二年省
豪靜入焉孟陵鎮本猛陵縣漢屬蒼梧郡東漢以後因

之隋屬始安郡大業初省入豪靜後蕭銑復置屬藤州
唐貞觀八年來屬更名戎城鎮本戎城縣梁置曰遂成
隋更名屬藤州唐永徽中來屬皇朝開寶五年二縣皆
省入六年復置戎城熙寧四年又省有火桂江始安江
下藤州古百越之地秦屬南海郡漢屬蒼梧郡東漢晉
因之穆帝分立永平郡宋齊以後因之隋平陳廢立藤
州大業初州廢立永平郡唐武德四年曰藤州天寶元
年曰威義郡五代時為南漢所有皇朝熙寧四年廢南

儀州入焉今縣二

中鐔津縣本漢猛陵縣地隋屬藤州初州治永平無鐔
津又有隋安賀川寧人等縣皆貞觀後省併更置鐔津
為州治以寧人屬容州永平屬昭州故寧風縣唐武德
五年以縣立鷺州貞觀三年徙治長恭七年更名秦州
徙治寧風八年徙治安基復為鷺州十八年州廢以寧
風來屬故感義縣本淳民隋置唐武德中更名故昌義
縣本安昌唐至德二載更名皇朝開寶五年省寧風感

義義昌三縣入鐔津有鈇穴山鐔江漳江

上下岑溪縣本漢猛陵縣地隋屬永熙郡唐武德五年
以永業縣地立南義州及置龍城縣後廢置不常後第
名義州天寶元年曰連城郡至德中改龍城為岑溪皇
朝開寶三年州復曰南義州五年廢入賓州六年復置
太平興國中改曰南儀熙寧四年廢以岑溪來屬故永
業縣本安義唐至德四載更名故連城縣武德五年析正
義置開寶六年并省入岑溪

下龔州古百越之地秦屬桂林郡二漢吳晉屬蒼梧郡
穆帝以後分屬永平郡後因之唐貞觀七年以鸞州故
治立龔州天寶元年曰臨江郡五代為南漢所有皇朝
開寶五年廢思明州入焉今縣一

中下平南縣本漢猛陵縣地唐貞觀七年置後自武陵
徙州治此故陽川縣今陽建後更名故武陵縣隋屬藤
州唐武德七年來屬故隋建縣隋屬藤州唐貞觀十二
年來屬故大同縣貞觀七年置皇朝開寶六年四縣皆

省入平南故武郎縣唐永隆二年析龔蒙象三州立思
唐州及置武郎平原二縣長慶三年改平原曰思和石
晉天福初改州曰思化漢初復舊開寶五年改州曰思
明六年州廢省思和入武郎來屬嘉祐二年省武郎入
平南有石鷺山龔江

下潯州古百越之地秦屬桂林郡漢以後屬鬱林郡隋
屬永平鬱林二郡唐立潯州後廢屬龔州後復置天寶
元年曰潯江郡五代為南漢所有今縣一

下桂平縣本漢布山縣地鬱林郡所治也後分置桂平
縣梁立桂平郡隋屬鬱林郡唐屬鸞州後立潯州故大
賓縣隋屬永平郡唐屬鸞州後來屬五代時省焉故皇
化縣本漢阿林縣地隋置後省入桂平唐武德四年復
置繡州貞觀七年來屬皇朝開寶五年省入桂平有潯

江鬱江

下貴州古西甌駱越之地秦屬桂林郡徙謫人居之漢
屬鬱林郡東漢以後因之隋開皇初郡廢屬尹州大業

初屬鬱林郡唐武德四年平蕭銑立南尹州貞觀九年
改為貴州天寶元年曰懷澤郡五代為南漢所有今縣

一

下鬱林縣本漢廣鬱縣地屬鬱林郡谷永為太守降烏
澣一萬人置七縣即此地也晉改為鬱平縣宋齊以後
因之唐置南尹州後曰貴州皇朝開寶四年改曰鬱林
故懷澤縣宋置隋省唐復置故潮水縣唐置故義山縣
本馬嶺唐武德四年改曰馬度貞觀後省天寶後復置

更名皇朝開寶五年省三縣入鬱林有馬度山南山鬱
江

下柳州古百越之地秦以後地理與象州同唐平蕭銑
立昆州是年改曰南昆州貞觀八年又以地當柳星更
名天寶元年曰龍城郡五代為南漢所有今縣三

中馬平縣本漢潭中縣地屬鬱林郡吳分屬桂林郡後
置馬平縣及郡隋廢郡入象州後州廢屬始定郡唐立
昆州後改曰柳州有柳江羅池唐柳宗元貶為刺史死

三年神降于州之後堂部將歐陽翼等見而拜之其夕
夢翼而告曰館我於羅池即此地

中洛容縣唐貞觀中置故象縣隋屬始安郡唐屬桂州
後來屬皇朝嘉祐四年省入有洛青山

中柳城縣本龍城梁置隋屬始安郡唐武德四年立龍
州并置柳嶺縣貞觀七年州廢省柳嶺以龍城來屬皇
朝景德三年改曰柳城有龍江潯江

輿地廣記卷三十六

欽定四庫全書

輿地廣記卷三十七

宋 歐陽忞 撰

廣南西路下

下宜州秦屬象郡後復沒於蠻夷唐開置粵州乾封中
更名天寶元年曰龍水郡五代時為楚馬氏所有後入
南漢皇朝慶歷三年廢芝州入焉今縣五

上龍水縣唐與州同置崖山東鹽等縣後皆省故洛曹

縣本洛封唐屬柳州元和十三年更名皇朝淳化元年
來屬後改曰洛下嘉祐七年省入龍水有宜江龍江
中下圻城縣唐置及立芝州治此後為羈縻州皇朝慶
曆三年廢州以縣來屬

下天河縣唐與州同置有溪江

下思恩縣唐貞觀十二年開生獠與環州同置屬焉後
州沒於蠻夷皇朝熙寧八年以縣來屬

下河池縣本屬羈縻智州皇朝治平二年來屬

下賓州秦屬桂林郡自漢至齊屬鬱林郡梁立領方郡
隋屬鬱林郡唐武德四年屬南方州貞觀三年立賓州
天寶元年曰安城郡五代為南漢所有皇朝開寶五年
州廢入邕州六年復立端拱三年以澄州入焉今縣二
下嶺方縣二漢屬鬱林郡晉宋以後因之梁立領方郡
唐立賓州皇朝開寶五年屬邕州六年復為賓州治故
琅邪縣故保城縣本安城至德二載更名屬賓州開寶
五年並屬邕州六年皆省入焉有古漏山賓水

中遷江縣本思剛州唐為羈縻州隸邕州都督府皇朝
天禧四年廢為遷江縣來屬有都泥山賀水

中下上林縣唐武德四年析嶺方置及立南方州貞觀
八年改曰澄州天寶元年曰賀水郡皇朝開寶五年州
廢以縣屬邕州端拱三年來屬故止戈無虞二縣與上
林同置屬澄州故賀水縣武德四年析馬平置屬柳州
八年屬澄州開寶五年皆省入上林有上林洞都澧水
下橫州春秋戰國為駱越之地秦屬桂林郡漢屬鬱林

合浦二郡吳立寧浦郡晉宋齊因之梁分立簡陽郡隋
平陳二郡並廢立簡州開皇十八年改為緣州大業二
年州廢屬鬱林郡唐武德四年立簡州六年改曰南簡
州貞觀八年更名橫州天寶元年曰寧浦郡二代為南
漢所有皇朝開寶五年廢蠻州入焉今縣二

下寧肅縣本漢廣鬱縣地吳分置寧浦縣及立郡晉以
後因之梁分立簡陽郡隋立簡州改為緣州唐為南簡
州改為橫州故從化縣本淳風武德四年分寧浦置貞

觀元年更名故樂山縣本漢唐鬱縣地屬合浦郡梁立樂陽郡隋平陳郡廢為樂陽縣屬簡州開皇十八年更名唐武德四年來屬皇朝開寶二年並省入寧浦

下永定縣唐武德四年立淳州及置永定武羅靈竹三縣而州治永定天寶元年曰永定郡永貞元年曰蠻州皇朝開寶五年州廢省武羅靈竹二縣入永定來屬熙寧四年省永定入寧浦元祐三年復置

下化州古百越之地秦屬象郡漢屬南越後及東漢屬

合浦郡吳屬高興郡晉以後屬高涼郡梁復高興隋平
陳郡廢屬羅州大業初州廢屬高涼郡唐武德五年屬
羅州六年立南石州貞觀九年改為辯州天寶元年曰
陵水郡天祐元年朱全忠以辯汴聲近更名勳州後復
故五代為南漢所有皇朝開寶五年廢羅州入焉太平
興國五年改曰化州今縣二

下石龍縣本漢高涼縣地屬合浦郡皇朝改曰化州故
陵羅龍化二縣與石龍同置開寶五年省入焉有

陵水羅水

中吳川縣隋屬高涼郡唐屬羅州皇朝開寶五年州廢以吳川來屬故廉江縣本石城昔宋將檀道濟於陵羅江口築石城立羅州梁陳因之唐天寶元年更名故幹水縣本石龍唐改曰招義又改曰幹水零綠鎮本零綠縣三縣皆屬羅州招義郡開寶五年州廢晉省屬吳川下高州古百越之地秦屬南海郡漢屬南越東漢屬合浦蒼梧二郡吳立高涼郡晉以後因之梁兼立高州

隋平陳郡廢大業初州廢復立高涼郡唐武德六年立
高州本治高涼貞觀二十二年徙治良德天寶元年置
高涼郡大曆十一年徙治電白五代為南漢所有皇朝
開寶五年廢潘州熙寧四年廢賓州皆入焉今縣二

下電白縣梁立電白郡隋廢屬高州唐大曆中州自良
德徙治此故良德本務德陳置後更名隋屬永熙郡唐
武德中來屬貞觀中州自高涼徙治此而高涼更名西
平分屬恩州故保寧縣本連江梁立連江郡隋平陳郡

廢屬高州唐開元五年改曰保安至德二載更名皇朝
開寶三年皆省入焉有高涼山

中下信宜縣本信義唐武德二年析懷德置而自懷德
徙南扶州治焉貞觀元年州廢屬龍州二年復置五年
又廢屬隴州六年復置八年更名賓州天寶元年曰懷
德郡皇朝太平興國元年改縣曰信宜熙寧四年州廢
來屬故懷德縣本漢端溪縣地屬蒼梧郡梁置梁德縣
及梁德郡隋平陳郡廢開皇十八年改縣曰懷德屬隴

州大業初屬永熙郡唐武德四年立南扶州後徙治信義故潭峩縣武德四年置故亮縣五年置皇朝開元六年三縣皆省入信宜有潭峩山信義水

下茂名縣西甌之地後置茂名縣屬高興郡隋屬高州唐貞觀元年屬南宕州八年改州曰潘州後自定川徙州治此後州廢屬高山永徽元年立天寶元年曰南潘郡皇朝開寶五年廢州省南巴潘水二縣入茂名來屬下雷州古百越之地秦象郡地二漢以後屬合浦郡梁

分立合州大同末以合淝為合州以此為南合州隋平
陳復為合州大業初州廢屬合浦郡武德五年復立南
合州貞觀元年改為東合州八年又更今名天寶元年
海康郡五代為南漢所有今縣一

下海康縣本漢徐聞縣地屬合浦郡梁立南合州隋為
合州置海康縣唐復為南合州改曰雷州故遂溪縣本
隋鐵把椹川二縣屬合浦郡唐武德四年來屬後併省
更名故徐聞縣本隋康貞觀二年更名皇朝開寶四年

皆省入有擎雷山擎雷水

下欽州古百越之地秦屬象郡漢以後屬合浦郡宋立
宋壽郡齊以後因之梁兼立安州隋平陳郡廢開皇十
八年改州曰欽州大業初州廢立寧越郡唐武德四年
改曰欽州天寶元年曰寧越郡五代為南漢所有今縣

二

望靈山縣本漢合浦縣地隋開皇十八年置南賓縣唐
貞觀十年更名後自欽江徙州治此皇朝開寶五年省

欽江遵化內亭三縣入焉

下安遠縣本安京舊置安京郡隋平陳郡廢屬欽州唐至德二載改曰保京後復曰安京皇朝景德三年改曰安遠有安京山如洪水

下鬱林州古蠻夷之地春秋戰國為西甌秦立桂林郡後為南越尉佗所并漢以後屬合浦鬱林二郡隋平陳郡廢屬尹越二州大業初復屬合浦鬱林二郡唐立黨牢鬱林二州天寶元年為定川寧仁鬱林三郡五代皆

為南漢所有皇朝開寶七年廢黨牢二州致和元年廢定川皆入焉今縣三

中下南流縣本隋北流縣地屬合浦郡唐屬牢州為州治焉皇朝開寶七年廢州省定川安川二縣入南流來屬而自鬱林縣徙州治此故撫安縣本西甌之地唐永淳元年開古黨洞立黨州并置撫安善勞善文寧仁安仁懷義福陽古符八縣二年析安仁以下四縣立平琴州垂拱三年州廢神龍元年復置天寶元年黨州曰寧

仁郡平琴州曰平琴郡至德中更安仁曰容山後廢平
琴州入黨州後又省善文寧仁福陽古符四縣開寶七
年廢黨州省撫康善勞文山懷義入南流有大觀山牢

江

下興業縣本石南縣地梁置石南郡隋屬鬱林郡唐貞
觀中屬貴州麟德二年以石南立鬱州乾封元年更名
鬱林州而析石南置興業縣後州徙治鬱林而省石南
入興業後又徙治興業皇朝開寶五年省鬱林興德二

縣入焉

中博白縣本漢合浦縣地唐武德四年析立南州兼置博白周羅建興等縣而州治博白六年更名白州天寶元年曰南昌郡皇朝開寶五年廢白州省周羅建寧南昌三縣入博白屬廉州七年復立政和元年又廢以博白來屬有鍾山博白溪

下廉州古百越之地秦屬象郡漢合浦郡東漢因之吳改曰珠官郡晉復曰合浦宋分立臨漳郡兼立越州齊

梁陳因之隋平陳郡廢大業初改州曰祿州尋改為合州又廢而立合浦郡唐武德四年立越州貞觀八年改名天寶元年曰合浦郡五代為南漢所有皇朝太平興國八年廢為太平軍咸平元年復立今縣二

上合浦縣漢立合浦郡吳曰珠官郡晉復為合浦郡宋兼立越州時州始立以西江督護陳伯紹為刺史鑿山為城門以威服俚獠齊梁陳因之隋廢大業初復立唐為越州貞觀中改為廬州以本大廬洞也皇朝開寶五

年省封山蔡龍大廡三縣入合浦太平興國八年省合浦入石康咸平元年復置故封山蔡龍唐武德五年置屬姜州貞觀十年來屬故大廡縣武德五年分合浦置有糠頭山昔南越王佗屯軍於此舂穀積糠如山有廡江瘴江一名合浦有珠母海郡人採珠之所東漢時郡政煩苛珠徒交趾孟伯周為守有惠化去珠復還下石康縣本常樂州南漢立及置博電零綠鹽場三縣皇朝開寶五年廢州省縣以其地置石康縣來屬

下瓊州漢珠崖縣地自合浦徐聞南入海得大州東西
南北方千里武帝元封元年略以為儋耳珠崖郡自初
為郡縣吏卒中國人多侵陵之故率數歲一反昭帝廢
儋耳併珠崖元帝用賈捐之言又棄珠崖郡東漢置珠
崖縣屬合浦郡吳赤烏五年復立珠崖郡晉平吳郡廢
入合浦後復立朱崖郡梁兼立崖州隋陳因之唐貞觀
五年析崖州立瓊州天寶元年曰瓊山郡自乾封後沒
山洞蠻貞元五年嶺南節度使李復討平之五代為南

漢所有今縣五

中瓊山縣隋末置屬崖州唐貞觀五年立瓊州十三年
析置曾口顏羅容瓊三縣貞元七年省容瓊入焉五代
時省曾口顏羅故舍城縣隋末置唐武德四年立崖州
皇朝開寶五年州廢以縣來屬熙寧四年省入瓊山自
縣北渡海便風揚帆一日夜至雷州有瓊山

中澄邁縣隋屬桂崖郡唐屬崖州皇朝開寶五年來屬
有澄邁山

下文昌縣本平昌唐武德五年置隸崖州貞觀元年更名皇朝開寶五年來屬

下臨高縣本臨機唐初隸崖州貞觀五年來屬開元元年更名

下樂會縣唐顯慶五年置州貞觀五年來屬開元元年同下州昌化軍漢屬珠崖郡梁兼入崖州隋以為珠崖郡治焉唐武德五年立儋州天寶元年曰昌化郡五代為南漢所有皇朝熙寧六年廢州為昌化軍今縣三

下宜論縣本義倫隋為珠崖郡治唐立儋州州城即漢儋耳郡城也皇朝太平興國元年改義倫曰宜倫有毗耶山昭山倫江

下昌化縣隋屬珠崖郡唐武德五年來屬皇朝熙寧六年省為鎮入宜倫元豐三年復置有昌化石極為靈異祈禱多應有南崖山

下感恩縣隋屬珠崖郡唐武德五年來屬皇朝熙寧六年省為鎮入宜倫元豐四年復置有感勞山湍龍江故

富羅縣本毗善隋屬珠崖郡唐武德五年更名來屬南漢省之故洛陽縣唐乾元復置皇朝省之

同下州萬安軍隋珠崖郡地唐貞觀五年屬瓊州十三年屬崖州龍朔二年立萬安州天寶元年曰萬安郡至德二載更名萬全郡後復故名五代為南漢所有皇朝熙寧七年廢州為萬安軍今縣二

下萬安縣本交昌唐貞觀五年析交昌置屬萬安州開元九年州徙治陵水至德二載曰萬全貞元元年州復

徙治此後復故名皇朝改為萬寧有赤隴山金仙水
下陵水縣唐置本隸振州後來屬皇朝熙寧七年省為
鎮入萬安元豐三年復置有靈山陵柵水故富雲博遼
二縣唐貞觀五年置南漢皆省之

同下州朱崖軍隋珠崖郡地唐武德五年立振州臨振
郡又曰寧遠郡天寶元年曰延德郡五代為南漢所有
皇朝開寶五年改為崖州熙寧六年廢州為朱崖軍今
鎮二

臨川鎮本臨川縣隋末置

藤橋鎮初唐振州鎮寧遠言德吉陽臨川落屯五縣南
漢時省廷德臨州落屯三縣熙寧六年省寧遠吉陽二
縣為臨川藤橋二鎮焉

輿地廣記卷三十七

欽定四庫全書

輿地廣記卷三十八

宋 歐陽忞 撰

廣南路化外州

安南大都督護府古路越之地秦屬象郡漢屬南越元
鼎六年立交趾郡東漢建安八年兼立交州治龍編十
五年徙治蒼梧之廣信十六年又徙南海之番禺尋復
治龍編分立武平郡晉因之宋又分立宋平郡齊以後

因之隋平陳三郡並廢大業初州廢復立交趾郡唐武德五年曰交州調露元年曰安南郡護府至德二載改曰鎮南大曆三年復安南領縣七

上宋平縣宋置及立郡隋平陳郡廢屬交州大業初州廢立交趾郡唐武德四年立宋州六年曰南宋州貞觀元年州廢來屬寶曆元年府自交趾徙治此故南定縣唐武德四年析宋平置隸定州五年來屬後省

中下太平縣本隆平唐武德四年置以縣立隆州六年

曰南隆州貞觀元年州廢來屬先天元年更名

中下交趾縣本漢羸樓縣地高帝立南越侯織為南海王居此武帝以為交趾郡治焉隋置交趾縣後省唐武德五年立慈州并置慈廉烏延武立三縣貞觀元年州廢省三縣更置杜佑云今南方夷人其足大指開廣皆並足而立其指交故名

上朱鳶縣漢屬交趾郡晉以後因之隋屬交州唐武德四年立鳶州并置臨高安定二縣貞觀元年州廢省二縣

以朱鳶來屬故苟漏縣漢晉屬交趾郡唐丹沙葛洪乞為苟漏令以求丹沙即此交州記云有潛水牛上岸共鬪角軟還復生後縣省

中下龍編縣漢屬交趾郡初置縣城有交趾盤編於南北二津之間因取名焉東漢自羸樓移郡治此兼立交州晉以後因之隋屬交趾郡唐武德四年立龍州并置武寧中樂二縣貞觀元年州廢省二縣以龍編屬仙州州廢來屬

中下平道縣自未為郡縣時其地有雒田隨海潮上下
民墾食其田因名為雒民君長曰雒王臣佐曰雒侯設
諸雒將後蜀王子討雒王滅之自稱安陽王居此後南
越王佗舉衆攻安陽王王有神弩一發殺三百人南越
知安陽不可克乃遣太子始詐降而事之王女曰眉珠
私與始通始令眉珠取神弩視之則竊以鋸截弩逃歸
報南越進兵攻安陽王王遂敗亡入海其地并於南越
有王宮城故基在焉東漢為封溪縣地屬交趾郡晉屬

武平郡齊置昌國縣梁陳因之隋更名屬交州唐武德
四年立道州并置昌國縣六年曰南道州是年更名仙
州貞觀七年州廢省昌國以平道來屬

中下武平縣本東漢封溪縣地吳置武寧縣及立武平
郡晉以後因之後改縣曰武定隋屬交州開皇十八年
改縣曰隆平唐武德四年改曰武平隸道州五年來屬
下都督峯州古文明朗國亦陸梁地秦屬象郡漢屬南越
後及東漢屬交趾郡吳分立新興郡晉武帝改曰新昌

郡宋齊梁陳因之陳兼立興州隋平陳郡廢為峯州天寶元年曰承化郡武德四年復立峯州天寶元年曰承化郡領縣五

下嘉興縣本漢麗泠縣地東漢分屬封溪吳分置嘉寧縣屬新興郡晉武帝改郡曰新昌後以嘉寧為郡治焉宋以後因之陳兼立興州隋平陳郡廢開皇十八年改州曰峯州大業初州廢屬交趾郡唐復立峯州初東漢建武中朱鳶雒將子名詩索麓泠雒將女徵側為妻側

為人有膽勇將詩起兵攻破郡縣徵側為王薨冷得交
趾九真二郡光武遣伏波將軍馬援討之側詩走金溪
它中二年乃克於是置封溪縣吳晉因之屬武平郡後
省隋末復置唐武德四年來屬貞觀元年省入嘉寧

下承化縣

下新昌縣舊屬新昌郡隋屬交趾郡唐武德四年來屬

下嵩山縣唐元和復置

下朱綠縣唐元和復置

望灤州隋大將軍劉方始開此路置鎮守尋廢不通唐
貞觀中清平公李弘節尋劉方故道開置灤州以達交
趾今州在鬱林之西南交趾之東北天寶元年曰臨潭
郡領縣四

下灤江縣

下波零縣

下鵲山縣

下弘遠縣貞元後沒於蠻夷州縣名存而已

下巖州唐調露二年析橫貴二州立以巖岡之北因為
名天寶元年曰樂寧郡領縣四

下常樂縣本安樂蕭銑分興德置貞觀元年省乾封元
年復置屬鬱林州永隆元年來屬至德二載更名

下恩封縣本伏龍洞當牢白二州之境調露二年與高
城石巖同置

下高城縣以高城水為名

下石巖縣

下田州唐開元中開蠻洞立天寶元年曰橫山郡領縣

五

下都救縣

下惠佳縣

下武龍縣

下橫山縣

下如賴縣皆與州同置

下愛州秦象郡地漢屬南越元鼎六年立九真郡東漢

以後因之梁兼立愛州隋平陳郡廢大業初州廢復立
九真郡唐武德五年復為州天寶元年曰九真郡領縣

六

下九真縣梁立愛州陳因之隋立九真郡治此唐復立
愛州縣省

下安順縣本常樂晉屬九真郡隋更名唐武德五年立
順州并析置東河建昌邊河三縣貞觀元年州廢省三
縣入安順來屬

下崇平縣舊曰高安隋開皇十八年改曰隆安屬九真
郡唐武德五年立安州并置教山建道都握三縣又置
山州并置同山真潤古安西安建初五縣貞觀元年廢
安州省教山建道都握入隆安來屬又廢山州省岡山
真潤古安西安入建初來屬八年省建初先天元年更
隆安曰崇安至德二載又更今名

下日南縣本漢居風縣地屬九真郡吳改曰移風後析
置日南縣隋屬九真唐武德五年立積州并置積善津

梧方載三縣又以移風縣立前真州并置九臯建正真
寧三縣又以胥浦縣立胥州并置攀龍如侯博犢鎮星
四縣九年更積州曰南陵州貞觀元年曰後真州是年
廢前真州省九臯建正真寧以移風隸南陵州又廢胥
州省攀龍如侯博犢鎮星以胥浦隸南陵州十年州亦
廢以軍安曰南胥浦來屬天寶中省移風胥浦漢晉九
真郡治胥浦後治移風義熙九年交州刺史杜慧度造
九真水口與林邑王范胡達戰禽斬胡達二子虜獲百

餘人胡達退五月慧度自九真水厯都粟浦復襲九真
長圍跨山重柵斷浦驅象前鋒接刃城下連日交戰津
梧晉屬九真郡後省唐復置後又省有居風山山上有
風門常有風山有金牛往往夜見照耀千里時鬪則海
水沸溢

下長林縣本無編二漢屬九真郡晉省之唐復置後更
名漢西干縣故城在縣東

下驩州古越裳氏之國重九譯者也秦屬象郡漢屬九

真郡吳分立九德郡晉宋齊因之梁蕙立德州隋改曰
驩州大業初州廢立日南郡唐武德五年立南德州八
年改曰德州貞觀元年更名天寶元年曰日南郡領縣

三

中下九德縣古越裳氏之國也周時獻白雉於成王秦
屬象郡二漢屬九真郡其地為寶網之所居及寶網卒
其子黨繼立黨服從吳化於是孫皓改為九德郡及九
德縣晉以後因之梁立德州隋曰驩州唐武德五年置

安遠曇羅光安三縣是年以光安置源州又置水源安
銀河龍長江四縣貞觀八年復改為驩州廢曇羅水源
河龍長江以安遠安銀來屬浦陽縣晉屬九德郡隋屬日
南郡唐屬驩州

下越裳縣隋屬日南郡唐屬驩州武德五年又以日南
郡之文谷金寧二縣立智州是年又置明州貞觀十三
年廢明州省其萬安明引明定入越裳曰南智後又廢智
州省文谷金寧入越裳來屬

下懷驪縣本咸驪二漢屬九真郡晉屬九德郡隋屬曰南郡唐武德五年屬驪州并置安人扶演相景西源四縣治安人貞觀元年更名演州十三年省相景十六年州廢省安人扶演西源以咸驪來屬後更咸驪曰懷驪下陸州秦屬象郡漢屬交趾郡晉宋齊因之梁立黃州及寧海郡隋平陳郡廢改黃州曰玉州大業初州廢入寧越郡唐武德五年立玉山州貞觀二年州廢入欽州高宗上元二年復立更名陸州天寶元年曰玉山郡領

縣三

下烏雷縣唐曰安海徙陸州治此

下華清縣本玉山隋大業初省入安海唐復置天寶中更名

下寧海縣本安平梁置及立黃州寧海郡隋改州為玉州改縣曰安海唐立玉州後徙治烏雷改曰陸州至德二載改縣曰寧海

下福祿州自隋以前地理與福祿郡同後為生獠所據

唐龍朔三年智州刺史謝法成招慰生獠昆明北樓及生獠等七千餘落總章二年置福祿州以處之天寶元年改為福祿郡至德二載改為唐杜郡乾元元年復為福祿郡

環州領縣一零縣

下龍汭縣

下饒勉縣

下思恩縣

下武石縣

下銅蔡縣

下歌良縣

下長山縣

下其常縣以上皆與福祿州同

下湯州本秦象郡地唐立

下湯泉縣

下綠水縣

下羅韶縣以上皆與州同置

下演州歷代地理與驩州同自唐武德五年立驩州貞觀九年改為演州而別立驩州十六年演州廢入驩州廣德二年析驩州復立本忠義郡亦曰龍池郡



輿地廣記卷三十八